

সূত্র: ২৮.১৯.০০০০, ৩০৩.৪৭.০০২.২২-

তারিখ: ১২ মার্চ ২০২৩

**বিষয়:** আরপিজিসিএল-এর ২০২২-২০২৩ অর্থবছরের শুক্রাচার কৌশল কর্মপরিকল্পনা অনুযায়ী ওয় কোয়ার্টারে  
 (জনুয়ারি-মার্চ, ২০২৩) অংশীজনের (stakeholders) অংশগ্রহণে অনুষ্ঠিত সভার কার্যবিবরণী।

- **সভাপতি :** জনাব যাবেদ চৌধুরী,  
 ব্যবস্থাপনা পরিচালক ও সভাপতি, নেতৃত্বকা কমিটি, আরপিজিসিএল।
- **তারিখ :** ৯ মার্চ ২০২৩, বৃহস্পতি
- **সময় :** সকাল ১১:০০ টা
- **স্থান :** অনলাইন জুম প্লাটফর্ম।
- **উপস্থিতি :** রেকর্ডেড

## ২। আলোচনা:

২.১। **সভাপতি উপস্থিতি সকলকে স্বাগত জানিয়ে সভার কাজ শুরু করেন।** সভাপতি সূচনা বক্তব্যে উল্লেখ করেন যে, প্রাতিষ্ঠানিক সুশাসন প্রতিষ্ঠায় বার্ষিক কর্মসম্পাদন চুক্তির আওতায় শুক্রাচার কৌশল, ইনোভেশন, সিটিজেন চার্টার, জিআরএস ও আরটিআই অনেক ভালো ভূমিকা পালন করছে। কোম্পানির কাজে স্বচ্ছতা, জবাবদিহি ও অংশীজনদের সঙ্গে সুসম্পর্ক বজায় রাখার লক্ষ্যে এ ধরনের সভা আয়োজন অত্যন্ত তাঁৎপর্যপূর্ণ। অংশীজনদের পারম্পরিক অধিকার রক্ষায় আরপিজিসিএল সর্বদা সচেষ্ট। অংশীজনদের পরামর্শ কিংবা কোনো যৌক্তিক অভিযোগ থাকলে সেসব বিষয়ে সমাধান করা যেতে পারে। এ পর্যায়ে সভাপতির অনুমতিক্রমে সভায় কোম্পানির উপমহাব্যবস্থাপক (এইচআর) ও নেতৃত্বকা কমিটির ফোকালপয়েন্ট আরপিজিসিএল-এর ২০২২-২০২৩-এর শুক্রাচার কৌশল কর্মপরিকল্পনার ১.৩ নং কার্যক্রম বাস্তবায়নের অংশ হিসেবে সুশাসন প্রতিষ্ঠার নিমিত্ত অংশীজনের (stakeholders) অংশগ্রহণে অনুষ্ঠিত সভার কার্যপদ্ধতি উপস্থাপন করেন। সভায় এপিএ বাস্তবায়ন নির্দেশিকা অনুযায়ী শুক্রাচার কর্মপরিকল্পনার আওতায় অংশীজনের সভায় শুক্রাচারসহ সিটিজেন চার্টার, অভিযোগ প্রতিকার ব্যবস্থা (জিআরএস) ও তথ্য অধিকার আইন (আরটিআই) বিষয়ে সংশ্লিষ্ট ফোকালপয়েন্টবৃন্দ তথ্য অবহিত করেন।

২.২। **সভায় অবহিত করা হয় যে, সিলেট অঞ্চলের গ্যাসফিল্ডসমূহ যেমন- আন্তর্জাতিক গ্যাস কোম্পানি শেভরন-এর বিবিয়ানা ও জালালাবাদ গ্যাস ফিল্ডস এবং সিলেট গ্যাস ফিল্ডস লিমিটেডের বিয়ানীবাজার, কৈলাশটিলা ও রশিদপুর গ্যাস ফিল্ডস-এর গ্যাসের উপজাত হিসেবে প্রাপ্ত কনডেনসেট (অপরিশোধিত তেল) জিটিসিএল-এর মালিকানাধীন ৬ ইঞ্জিন ব্যাস বিশিষ্ট প্রায় ১৭৪ কিলোমিটার দীর্ঘ উত্তর-দক্ষিণ পাইপলাইনের মাধ্যমে আশুগঞ্জে প্রেরণ করা হয়। সিলেট এলাকা থেকে প্রেরিত কনডেনসেট আশুগঞ্জে স্থাপিত আরপিজিসিএল-এর দুটি স্টেরেজ ট্যাংকে গ্রহণ ও মজুত করে সেখান থেকে বিপিসি'র তৈল বিপণন কোম্পানি পদ্মা, মেঘনা ও যমুনা এবং অনুমোদিত বেসরকারি রিফাইনারিসমূহের নিকট জাহাজযোগে কনডেনসেট সরবরাহ করাই আশুগঞ্জে কনডেনসেট হ্যান্ডলিং স্থাপনার মূল কাজ। আরপিজিসিএল ০১ মার্চ ২০০১ হতে আশুগঞ্জে স্থাপনা থেকে কনডেনসেট ডেলিভারি করছে।**

২.৩। **সভায় আরও অবহিত করা হয় যে, জালানি ও খনিজ সম্পদ বিভাগ কর্তৃক কনডেনসেট বরাদ্দ প্রদান, পেট্রোবাংলার নির্দেশনা এবং যথাযথ কর্তৃপক্ষের অনুমোদনক্রমে আরপিজিসিএল এবং কনডেনসেট বরাদ্দপ্রাপ্ত প্রতিষ্ঠানসমূহের সঙ্গে কনডেনসেট ক্রয়-বিক্রয় চুক্তি সম্পাদিত হয়। তদন্তুয়ায়ী অগ্রিম অর্থ পরিশোধের পর কনডেনসেট সরবরাহ করা হচ্ছে। ২০২১-২০২২ অর্থবছরে সুপার পেট্রোকেমিক্যাল লিমিটেড ৮,৭৪,০৫,২১৩ লিটার; পেট্রোম্যাক্স রিফাইনারী লিমিটেড ৯,৬০,৩৮,৮০৯ লিটার; এ্যাকোয়া রিফাইনারী লিমিটেড ৯০,৮২,৮২৬ লিটার এবং পার্টেক্স পেট্রো লিমিটেড-কে এককালীন ৪৯,৫৩,৬১৬ লিটার কনডেনসেট সরবরাহ করা হয়েছে।**

২.৪। **কনডেনসেট হ্যান্ডলিং সংক্রান্ত কাজে নিয়োজিত এ্যাকোয়া রিফাইনারী লিমিটেড-এর প্রতিনিধি আরপিজিসিএল কর্তৃপক্ষকে অংশীজনদের সঙ্গে মতবিনিয় সভা আয়োজন করায় ধন্যবাদ ও কৃতজ্ঞতা জ্ঞাপন করেন। এ ধরনের সভা প্রাতিষ্ঠানিক স্বচ্ছতা ও জবাবদিহি অনেকাংশে নিশ্চিত করতে ইতিবাচক ভূমিকা পালন করবে বলে তিনি আশাবাদ ব্যক্ত করেন। পেট্রোম্যাক্স রিফাইনারী লিমিটেড-এর প্রতিনিধি সভায় অবহিত করেন যে, আরপিজিসিএল-এর আশুগঞ্জে স্থাপনা থেকে তারা সরকারের বরাদ্দ মোতাবেক কনডেনসেট ডেলিভারি গ্রহণ করে থাকেন। সম্পাদিত চুক্তি অনুসরণে তারা নিয়মিত কনডেনসেট পাছেন। আরপিজিসিএল-এর সঙ্গে পারম্পরিক সম্পর্ক ও কাজের পরিবেশ সবসময় উন্নত। সেবা প্রদানের মানও প্রশংসনীয়। এ পর্যন্ত কোনও বিরোধ হয়নি। সুপার পেট্রোকেমিক্যাল লিমিটেড-এর প্রতিনিধি অভিমত ব্যক্ত করেন যে, আরপিজিসিএল-এর সঙ্গে তাদের প্রতিষ্ঠানের গভীর সুসম্পর্ক রয়েছে। সেবা প্রাপ্তিতে কখনও অভিযোগ দেওয়ার মতো পরিস্থিতি উন্নত হয়নি। তবে, কিছুদিন আগে কনডেনসেট-এর ডেলিভারির পরিমাণ কমে গেলেও বর্তমানে তা বৃদ্ধি পেয়েছে। এটি আশাব্যঞ্জক।**

২.৫। পেট্রোবাংলার মহাব্যবস্থাপক (পরিকল্পনা কৌশল) ও নৈতিকতা কমিটির ফোকালপয়েন্ট এ প্রসঙ্গে অবহিত করেন যে, আশুগঞ্জ স্থাপনায় কনডেনসেট হ্যান্ডলিং কাজে অংশীজনদের বক্তৃত্ব শুনে ভালো লেগেছে। আরপিজিসিএল-এর সেবার মান সঠোষজনক হওয়ায় তিনি কোম্পানি কর্তৃপক্ষকেও ধন্যবাদ জ্ঞাপন করেন। ২০২২-২০২৩ অর্থবছরে শুক্রাচার কৌশল কর্মপরিকল্পনার কর্মসূচি সঠিক সময়ে ও যথাযথভাবে বাস্তবায়নের ওপর তিনি গুরুত্বারোপ করেন।

২.৬। সভায় পেট্রোবাংলার কোম্পানিসমূহের মধ্যে জিটিসিএল, কেজিডিসিএল, বিজিএফসিএল, টিজিটিডিসিএল ও জালালাবাদ গ্যাসের প্রতিনিধিবৃন্দ তাঁদের স্ব স্ব কর্মপরিকল্পনার অগ্রগতি অবহিত করেন। জিটিসিএল ও বিজিএফসিএল-এর প্রতিনিধি অবহিত করেন যে, প্রাতিষ্ঠানিকভাবে তারা নিয়মিতভাবে আরপিজিসিএল-এর সিএনজি সংক্রান্ত সেবা গ্রহণ করে থাকেন। আরপিজিসিএল সেবা প্রদান প্রতিশুতি অনুযায়ী সিএনজি সরবরাহ, কনভারশন, সিলভার রিটেন্ট ও ব্যাক-আপ সার্ভিসের ক্ষেত্রেও অত্যন্ত ভালো ও সঠোষজনক সেবা প্রদান করছে। এছাড়া, সভায় কোম্পানির মহাব্যবস্থাপক (প্রশাসন), মহাব্যবস্থাপক (অপারেশন), কোম্পানি সচিব, মহাব্যবস্থাপক (এলএনজি), মহাব্যবস্থাপক (পিআন্ডডি) ও এপিএ বাস্তবায়ন টিম প্রধান কোম্পানির বিভিন্ন কার্যক্রম এবং সেবা সম্পর্কে আলোচনা করেন।

২.৭। আরপিজিসিএল-এর ব্যবস্থাপনা পরিচালক ও সভাপতি বলেন, প্রাতিষ্ঠানিক সুশাসন প্রতিষ্ঠায় সেবাধৰ্মীতার মতামতকে গুরুত্বপূর্ণ, নাগরিকদের অভিযোগ পাওয়া গেলে প্রতিকারের ব্যবস্থা করাসহ কর্মক্ষেত্রে আরও স্বচ্ছতা ও জবাবদিহি নিশ্চিতকরণের লক্ষ্যে প্রয়োজনীয় ব্যবস্থা গ্রহণ করা হবে। এক্ষেত্রে সংশ্লিষ্ট সকলের সহযোগিতা কাম্য।

৩। সভায় বিস্তারিত আলোচনার পর নিম্নোক্ত সিদ্ধান্ত গৃহীত হয়:

- ক) আরপিজিসিএল-এর আশুগঞ্জ স্থাপনা থেকে সরকারি বরাদ্দ ও যথাযথ কর্তৃপক্ষের অনুমোদনক্রমে কনডেনসেট বরাদ্দপ্রাপ্ত প্রতিষ্ঠানসমূহের সঙ্গে সম্পাদিত চুক্তি অনুসরণে পদ্ধতিগত প্রক্রিয়ায় কনডেনসেট ডেলিভারি প্রদান করতে হবে;
- খ) ২০২২-২০২৩ অর্থবছরে শুক্রাচার কৌশল কর্মপরিকল্পনার কর্মসূচি সঠিক সময়ে ও যথাযথভাবে বাস্তবায়ন এবং প্রমাণকসহ পেট্রোবাংলায় প্রতিবেদন প্রেরণ করতে হবে।

৪। সভায় আর কোনো আলোচ্য বিষয় না থাকায় সভাপতি সকলকে ধন্যবাদ জানিয়ে সভার কার্যক্রম সমাপ্তি ঘোষণা করেন।

*Laud Monday 20-06-2026*  
(যাবেদ চৌধুরী)

ব্যবস্থাপনা পরিচালক ও  
সভাপতি, নৈতিকতা কমিটি, আরপিজিসিএল।

*মনোজ*